

جریدہ علیہ

مشجعت جلید اسلامیک جریده رسمیه سید

جمادی الاخره سنه ۱۳۴۰

عدد ۷۲

شمیلاک آیدہ بر نشر اولنور

برنجی سنہ

جاهل آدمك شو حركتى - بزم دوشونجه مزه كوره - نبى محترم افندمى اغضاب
ايتمك لازم كليركن بويله بر حال واقع اولمى رسول اكرم افندمى ايبىك يوزينه باقوب
كولديلر ، آرزوسىك اسعافى فرمان بويورديلر .

دارالحكمة الاسلاميه اعضاسندن

فريد

توبه و رجوع

انسان ملك مىدر كه او قدسيان واو «لا يعصون الله ما امرهم ويفعلون ما يؤمرون» شهادت
قاطعه سيله خير و اطاعتده واوامر الهيه يى انفاذده دائم بولند قلى ثابت جند معصوم الهى به
بوممتاز خصلتده مشاركت ايده بيلسين

شيطان مردود مىدر كه هر عملى شر و فساد و ضلال و اضلال حتى شائبه صلاح محسوس
اولان اعمالنده دخی انواع قتن احضار ايله ين بوكروه مكروه كى بوانسان صرف طريق
ملعنتده بولنسنده خير و انقياد الندن كلاسین .

نه اوليه نه بويله بلكه انسان خزينه عجائب قدرت الهيه ظاهرى و باطنى واجب الشكران
نعمتله و واجب التقدير فضيلتله محل و وسائط معرفت و آلات فكريه ايله مجهز و «ولقد كرمتنا
بنى آدم» نامه فضائل بخشاى الهيه سيله مبجل برانمودج عرفان و فطرت و خلقتى هم خيرات
و حسناته همده شرور و سيئاته مستعد بو ايكي طرفك جنود و اعوانيله مدافعه كندى
اراده سته مودوع بر معماى خلقتدر . اكتساب كالاتى و استحصال سعادتى كونا كون محن
و مزاحمه معروض و اونستده فضل و رجحان و اجر و احسانه نائل و مستحق و تهذيب
معنويات و تأمين معاليات ايلسى دخی شكل جدال و جهادده ايده بيله چكى حكمت ازليه
سجانيه اقتضاسى اوله جق كه چشيد چشيد عواملك تحت تأثيرنده بعضيسى صفت ربوبيته
بعضيسى صفت شيطانيته بعضيسى صفت بهيميته بعضيسى ده صفت سبعيته جالب انسان ايجين
اليم بك اليم حالاتى ارزو ايدر تاثيرات غريزه آئنده ميدان و غي به براقلمشدر . اشته
انسان بومعركه نك بر مجاهد اكبرى صفت ربوبيته نهايت بولانلر كبر فخر حب مدح حب
شنا عز غنا طلب علو صفتلريدركه بولنلر انسانى مغلوب قلوب (انا ربكم الاعلى) ده ديرمكه

قدر جرأت و یردیکی اولمشدر . صفت شیطانیه حسد، بغی، حیله امر بالفساد امر بالمسکر خدعه کبی حالر تولید ایدرکه انسان بوصفته مغلوب اولنجه مقتضیاتی ایفا ایله کندینی و جمعیتی افساددن آله مز . صفت بهیمیت شره حرص زنا لواطه اموال ایتمی اکل کبی مضار اجتماعیه تولید ایدرکه بوصفته مغلوب اولانلرک شخصینلری پک قورقونجدر . صفت سبیهدن غضب حقه ضرب و شتم ایله خلقه هجوم اموال ناسی غضب واستهلاک کبی قنالقار ظهوره کلیرکه بو حاللرنده مضرتلری مشهود اولمقدهدر . بودرت صفت امهات ذنوب و آنا کنهالردر . ایلریده ایضاح ایدیه چکی اوزره هر عضوک بونلردن بو منبعلردن حصه نثری واردر .

اشته برطرفدن اعدای عبودیت اولوب جنود شیطانیه صاییلان بو هوایات و مشتهیات تا طفولتدن اعتباراً انس اعتیاد حالی آله رق کمال مکانتی اکتساب و بلامدافعه اجرای احکام ایلمکده و برطرفندنه عقل هیولانی طوردن دوره دوردن دوره استکمال و قوه لایقہ سنی بولسی اوزرینه انسان دائره تکلیفه داخل اولور و ایکی طرفک اعوان و انصاری مقسابلاً شهرستان معالی اولان مملکت قلب اوزرینه بویوک برجنک وجدال آجدینی کورولور . نور ایله ظلمت لیل و نهسارک ناصلسکه اجتماعی ممکن دکلسه بو خصملرنده اجتماع و مطابقتی قابل دکلدر . بیان اولوندینی اوزره جنود شیطانیه نامنده کی شهوت و سائر جند ملئکه نامنده کی عقلک تسکمندن خیلی مقدم داخل مملکتده متمکن و محیطی اطرافیه الفت و استیناسنه آلمشدر . بونک ایچین طبعیدرکه شاید عقل استعمال نفوذده اکسک حرکت ایدر و اولیای حق و حقیقی ایدی اعدادن تخلص یولنده ابراز کفایت ایده مزده مساعدات سابقه نفسانیهده جریان و مغلوب اولورسه مملکت قلب دشمنه بر اقلمش و (لا حشکن ذریته الا قلیلا) آیت جلیله سنده بیان اولندیغی وجهله شیطانک اسعاف مطلوبنه محل اولمش اولور . یوق حزب السهی اولان عقل قوت و کفایتی جداً موفقیتله استعمال ایدرک شیطان لعینک مطالب شهوانیه سنی کسرو ترک و طبعی عبودیته جبر و قهر و اعوان لعین قوتدن اسقاط اولنورسه دلیل شهوت امیری ملعنت اولان طریقدن طریق رحمت و جاده سلامتیه رجوع ایدلمش اولورکه بوده توبه و ندامتدن عبارتدر .

ایشته کافه بشرک عقلی رسیده حد کمال اولنجهیه قدر مسبق طبعیه موجود قوای

شهوایه اوزرنده بولمسی امر ضروری ازلی کورلمش وجهلیه نسبتله بوضرورت شامل
ومتعمم بولمیش نهجی وولی ونه والد ومولود بوخالت عمومیه ازلیه دن خارج قالمشدر.

فلا تحسبن هذا لها العذر وحدها سحیة کل نفس غانیة هند

شاعر بولنظمنده مجلوبه سی هندك میل وفا کار یسندن محروم وجدا دوشن وبوندنطولای
زیاده سیله متأسف بولنان محب مغدورك غدر وستم یالکیز هنده مخصوص حالت وسحیة
مشئومه دکل بلکه نشئه طرب وتغنی اربابی نسوان بوچیرکین خویده یك آهنگدر. تسلیت
آمیزله تعدیل تأثر ایلمسی توصیه ایدیور. انبیای عالیشان علیهم الصلاة والسلام حضراتی
اکل وشرب ونکاح وسائر موقع رسالتلرینه منافی کورلمین شخصی واجتماعی حالات بشریه ده
ایجابات شرعیه وتمهیدات الهیه تابع اولمق واو دائره ده تعیین مسلك بیرومق مجبوریته ده
اولدقلری وارسته قید وتیاددر بوصورت معینه ده تطبیقات خصوصنده کی مساعیلری دخی
توبه ورجوع ماهیتندن خارج برشی دکدر.

جناب سید البشر صلی الله علیه وسلم افندیزك (رجعنا من الجهاد الاصغر الى الجهاد
الاكبر) کلام عالی مساعی دلیللری دخی بوحصه بشریت وبوجاهده نفسانیه ده دیگر عباد
ایله اشتراک بیوردقلرینه دلیل کافی دکیدر. قوانین ناظمه وکلیات تشریعیه ده رهبر فعلی
اولمق ضرورتی حائر بولنان انبیای عظامک احکام عمومیه ده عموم ایله برابر اوله جقلری
درکاردر. «وتوبوا الى الله جميعا ..»

حیرت افزای عقول اولان خلقت انسان تشکیل ایلدیکی جنك وجسدالنده ظفری
تأمین ایدن جنود رحمت که قوای عقلیه در برنجی مرتبه ده خالق کاشفاتی صفات
کامله ألوهیتله بیلوب واو واحد قهار ازلییه ربط موجودیت تحقیقا ویا تقلیدا اعتقاد تام
وبوصورتله ورطه خذلان وضلالدن قورتلمش بولنمق ایله مکلف ایلدی توبه ورجوعی
ایفا وداخل کاشانه ایمان اولمق شرفنه موفق بولنورکه ارشادات الهیه واوامر سبحانه
بشریک بوصف منور رجالنه اهمیت مخصوصه سیله تأثیرینی ایقاع ایدرده بوبشریت مؤمنه
افرادینک اوامر ونواهی معبوده قارشى وضع قبول وسرعت اجابتی مانعه وعارضه لر ایله
صارصلماز ومحکم ومتین انقیاده صاحب اولان بوسارصلمازا اعتقاد اعجابندن حسب البشریه
وقوعوبله حق تقصیرات کندیلرینی پك دلخون ایدر. وبو صورتله مرتبه قصوای بشریت
اولان ایمانه ترقی ایلسیله دائره عصمه کیرمش اولماز. چونکه بشریت مؤمنه بو حال تنورنده

دخی جنایتلره واحتراسلره سائق نفسانی، حیوانی، قوتلی وسائط مخربه ایله دأرا مادار احاطه اولمشدرکه بونلر وظائف مفروضه سآردیه قارشى کلک وهرتعهد وهرهائىکى وظیفه یه مسارعت کورلدکجه ممانعت وبو طریق اغوا واضلالده بتون قوتلریله مهاجمه دن فراغت ایتمزلر. اشته بوعقبأده صبر وثبات وبوورطه لرده اظهار جلادت دخی آری آری مقاومت ومراجعه لزوم قطعی کوستردیکى محققدر.

بر مؤمنك ترك صلات ایلمسى واو وظیفه مفروضه یی ایفاده تکاسلى یینه او مؤمنك اسیر شهوت وآلت شیطنت اولوب شخصی، حیوانی احتراصى دکل رهبت وخوف وانديشه ایله بلکه رغبت ومسرته استیقایه سرعتی نهدن؟

یینه بر مؤمنك محضا احسان الهی وفصل صمدانى اولان ثروتك ناجیز بر مقدارینى مستحق بولان محتاجه ویردمامسى بر طرفه دورسون کندى عالیه سنه بلکه کندى نفسیه صرف ایده مامسى نهدن؟

خلاصه بتون بونلرکى مساوی ومعاصی به مؤمنك مغلوب ومحکوم اولمى بوقیلدندر. مؤمن بوعقبه وبومهلکه لرك جمله سنده توبه ورجوعه احتیاجى درکاردر «وتوبوا الى الله جميعا ایها المؤمنون..» قانون قدیم دستور عظیمه اتباع ایدرک بوهاجات طبیعیه به مدافعه ومنفور ومردود احوال وحرکات عصیانیه به مقابله ایله ایفای مأموراته واجتناب منیهاته مسارعت او مؤمنك باشلیجه بروظیفه سیدر. بووظیفه ایله امردینى والهی اولمق اوزره مؤمن مکلف ومأمور وسرمایه فیوضات ومدار ترقیات اوله رق قبول واعتقاد دینا مجبوردر. بشریت مطلقه به کلنججه بوده شهوات وحشیانه وقوای مودوعه سبعیه سی طرفدن تشویق کوردیکى حرکات استیلاکارانه سنى تعدیل وحقوق ومنافع عامیه به عادلانه ویک منصفانه التفات ووجهه استقامته متوجه واو قبله مقاصد عامیه یی طالب وقاصد بولندکجه یوکسلمش واستراحت موقعیه وسعادت شوکتى توبه ورجوع که بیان اولندینى وجهه تخلیه وتحلیه دستورندن عبارتدر. بونکله تأمین ایشدر. وبوقاعده محکمه نك آثار تطبیق وثمرات اجراسیله اکتساب انتظام ومعاملات عمومیه وحقوق شخصیه ده.

الحاصل عمران بلاد وممالکى اهالى وارضی جهتندن موجب ترقی وباعث تعالی اوله جق هر خصوصأته صلاح فکر واداره سالمه ایله بشریت مطلقه تأسیس مدنیت ومحافظه موجودیت ایدر. بو مسلك استقامت ومجرای حسن جبايته طرز اداره سنى تأسیس ایلیان بشریت مؤمنه وكافره اولسون صلاح حال واداره سایه سنده هلاک وخرابیدن

کندی قورتارمش اولورکه (وما کان ربک لیهلک القرى بظلم واهلها مضاحون) آیت
 جلیلہ سنده خالق رب حکیم جل جلالہ حضرتلری بشریت ایچین صلاح عمومی وسلامت
 خلقی تحت قطعیتہ آلدقدنصرکره کندی حقوق الوهیتہ عابد شرک وارتداد وزندقہ کبی
 ضلالات اعتقادیہ یی موجب هلاک وخرابی کوسترمیه رک کندی حقوق معظمہ مقدسه سنہ
 مساعده کار بولونیور وناس آره سنده کی بنی وفساد وظلم وعنادک تولید ایدہ جکی منکرات
 فردیه واجتماعیه ومفاسد اختلالیه مروجی ظلمه یه اویهرق فشوظلم وتوسع بغض وعداوت
 طریق ناهموارینه سلوکی منظره عوام ومزرعه خواص اولان عوالم کونیہ وکائناتک سبب
 خراب وباعث اضمحلالی اوله کلدیکنی تهدید مقامنده بشریت منوره نک انظار اعتبار
 وانتباهنه وضع بیوریور . اله کائناته ایمان واوامر سبحانیه سنہ امثال ونواهیسندن اجتنابی
 وظیفه بیلن جس دینی اربابی حصه مند تیقظ اولوبده (وتوبوا الى الله جميعا ...) امر
 جلیلنه اتباع توصیه سندن آقیری دورماز .

اعضادن

مصطفی رفیق

